



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de
Romæ, MDCCXVIII**

Casus I. Argumentum. Juspatronatus an transeat in conductorem ex
contractu locationis inito super universitate, cui illud sit annexum.

[urn:nbn:de:hbz:466:1-72203](#)

CANON XV.

Idem Hospitalariis.

CUm sæculum reliqueritis &c. Prohibemus nè cùm ratione feudorum emptorum, aliterve acquisitorum, vel etiam alio modo Juspatronatus in Ecclesiis Parochialibus acquisiveritis, Episcopo Jus Parochiale minuere præsumatis.

COMMENTARIUM.

EX his duobus Canonibus, quorum primus legitur in Decretalibus in ordine il 7., & secundus legitur in ordine il 13. sequentes deducuntur conclusiones.

Prima : JUSPATRONATUS ETIAM SINE CONSENSU EPISCOPI TRANSIT CUM UNIVERSITATE BONORUM, RATIO-
NE CONTRACTUS NON GRATUITI INITI SUPER UNIVERSITATE, NISI SPECIALITER EXCIPiATUR.

Secunda : JUSPATRONATUS, QUANDO AD EXEMPTOS, ET RELIGIOSOS TRANSFERTUR, NON MINUITUR JUS
EPISCOPALE IN ECCLESIA PATRONALI: Ita Innocentius, Abbas, Anania, Butrius, Berous, Barbos,
Fagnan., Gonzalez hic Berous conf.66. num.29., Monach. super 6. Decretal. in cap. si Laicus
de Jurepatr. num.6. & 7., ibique Geminian num.5., Lambertin. de Jurepatr. lib. 1. par. 2.
quæst.10. art.3., & eodem lib., & eadem part. quæst.1. art. 2. n. 1., Lotter. de Benefic. lib.2.
quæst.9. num.47. & seqq., Tuscb. conclus. tom.4. conclus.612., Mantic. decis.140. num.2.,
Vivian. de Jurepatr. lib.6. cap.5. num.1. & seqq., Rot. decis.725. num.3. coram Seraphin.,
& in Mediolanen. Archipresbyteratus 27. Januarii 1710. §. Quamvis coram R.P.D. Falco-
nerio.

1 Ratio primæ conclusionis est, quia nomine universitatis bonorum comprehenditur etiam Juspatronatus annexum eidem Universitati; Unde translatâ Universitate per contractum non gratuitum, transfertur etiam Juspatronatus tanquam accessorium eidem Universitati absque labe simoniae, dum contractus non fit super Jurepatronatus, sed im-
2 mediatè super universitate bonorum, sicuti fieri potest contractus non gratuitus super vasis argenteis sacris, illa vendendo, aut emendo absque labe simoniae; quia licet dicta vasa habeant annexam consecrationem, quæ est quid spirituale; Tamen contractus non fit super ipsa consecratione, sed immediatè super ipsis vasis argenteis secundum se, seu super ipsa materialitate valorum, juxta Gibalin. de simon. quæst. 12. confess. 3., Gonzal. in cap. Inſinuatum de simonia num.2.

3 Ratio autem secundæ conclusionis est, quia quando Juspatronatus transfertur ad Exemptos, isti non debent habere plus juris, quam habebant illi, à quibus fuit ad eos translatum idem Juspatronatus, adeoque per hujusmodi translationem salvum, & integrum remanet jus Episcopale in Ecclesia Patronali, ut desumitur ex gloss. in d. Ca-
non. XV. verb. Minuere.

Quoad utramque conclusionem sequentes differuntur Casus.

ARGUMENTUM.

Juspatronatus an transeat in Conductorem ex contractu locationis inito super Uni-
versitate, cui illud sit annexum.

SUMMARIUM.

1 Juspatronatus transfertur in Conduc-
torem ex contractu locationis ad longum,
tempus Universitatis, cui est annexum,

quid autem si locatio busmodi Universi-
tatis esset ad modicum tempus n.2., & 3.

4 Conductor ad modicum tempus non facit
fructus suos, qui brevi tempore non re-
nascentur.

CASUS I.

Quidam Patronus locavit Villam, seu
Castrum, cui erat annexum Juspatro-
natus Titio. Quæritur an ex isto con-
tractu locationis Universitatis, cui est an-
nexum

nexus Juspatronatus, transferatur in Titum Conductorem idem Juspatronatus?

¹ Certum est, quod ex contractu locationis ad longum tempus Universitatis, cui est annexum Juspatronatus, illud transferatur in Conductorem, ita ut vacante Beneficio durante tempore locationis, presentatio spectet ad Titum Conductorem, & non ad Patronum; Ratio est quia ex contractu locationis ad longum tempus Universitatis transfertur dominium utile, & possessio Universitatis locata, ut in cap. nulli de reb. Eccles., & in Clem. I. eodem tit., Pacion. de locat. cap. 27.

num. 30. Ergo transfertur etiam dominium utile, & possessio Jurispatronatus annexi dicta Universitati locata, dum translato principali trasfertur etiam accessorum iuxta Rotam decis. 31. num. 3. coram Merlin., & ita tenent Innocent., Abbas, Butr., Berou, Fagnan, Barbos., hic Lambertin. de jurepat. lib. I. par. 2. qu. 8. art. 2., Rocc. de Curt. eodem tract. verb. is, vel ipse quæst. 26., Vivian. lib. 6. cap. 5. num. 26., Castrophal. oper. moral. tom. 2. tractat. 13. de Benefic. disput. 2. par. 3. num. 21.

Quæstio esse potest in contractu locationis Universitatis, cui sit annexum Juspatronatus, ad modicum tempus, an ex isto contractu locationis ad modicum tempus trasferatur Juspatronatus in Conductorem?

² Et videtur respondendum affirmativè, quia per locationem ad modicum tempus transfertur in Conductorem commoditas rei locata, ita ut illi liceat uti, frui re conducta, & facit fructus suos iuxta Text. in l. ex conducto 16. in princip. ff. locati, ergo transbit jus presentandi, quæ est commoditas, & fructus Jurispatronatus juxta Rot. in Salernitana Alimentorum 12. Januarii 1712. §. Ulterius coram Eminissimo Scotto superius impress par. I. Can. III. Caf. III. num. 15., & in hac sententiam videtur inclinare Barbos. hic n. 4.

³ Contraria tamen sententia est verior, & receptior, nam Canon. XIV. hic loquitur solum de locatione ad longum tempus, dum loquitur de milite Conductore Villæ existente in possessione illius, per locationem autem ad modicum tempus non transfertur dominium, nec possessio, sed simplex detentio rei locata l. si ut certo

§. Si duobus ff. com. Pacion. de locat. cap. 27. num. 3. Igitur præfatus Canon non loquitur de locatione ad modicum tempus, sed solum de locatione ad longum tempus. Insuper Canon iste loquitur de contractu ad firmam, nomine autem contractus ad firmam intelligitur contractus emphetheticus, qui est contractus ad longum tempus, Bart. in l. I. C. de jure emphyt. in secunda column., ac proinde loquitur de contractu locationis ad longum tempus, & dicit per istum, & non per locationem ad modicum tempus transferri Juspatronatus.

Præterea si per locationem ad modicum tempus transferretur Juspatronatus, sequeretur, quod non existens in possessione præsentandi possit præsentare, & ejus præsentatio præferretur vero Patrono, nam per locationem ad modicum tempus non acquiritur possessio rei locata, ut supra diximus, quod est contra Text. in cap. consultationibus de quo infra Can. XXVI. ergo per locationem ad modicum tempus non transfertur Juspatronatus, maximè si Patronus in Instrumento locationis Universitatis bonorum ad breve tempus expresè, & specialiter sibi reservaverit jus præsentandi ad Beneficium, & ita tenent Anan. Bero. num. 42. Fagnan. num. 11., & seqq. hic, Lambertin. de jurepat. lib. I. par. 2. quæst. 8. art. 2. Rocc. de Curt. eodem tract. verb. is, vel ipse q. 26. Castren. conf. 361. num. 2. tom. I. Mantic. de tacit. par. I. lib. 5. tit. 3. num. 20. Pacion. de locat. cap. 23. num. 94., & cap. II. n. 40. Garz. de Benefic. par. 5. cap. 6. num. 8., Rota in Beneventana Beneficii 25. Junii 1703. §. Omisso coram R.P.D. Lancetta.

⁴ Non obstat, quod in contrarium adducatur, quia Conductor ad modicum tempus non facit fructus suos, qui brevi tempore non renascuntur l. divortio §. Si fundum Rocc. ubi supra num. 58., præsentatio vero est fructus, qui brevi tempore non renascitur, quia non renascitur omni anno, sed solum in casu vacationis Beneficii; Unde Conductor ad modicum tempus non potest facere suum fructum præsentationis.

ARGUMENTUM.

Juspatronatus titulo venditionis Universitatis, cui sit annexum, an transeat in Em-

pto-